

محراب

اقتصادی ، اجتماعی ، فلسفی ، تاریخی ، ادبی مجموعہ در

شیمیدیلک اون بش کونده نشر اولنور

مقدمہ جات

- اسلام « ادوار مونتہ » . ۱ . **ایمان و طریقت** م . شکیب **۱۳۳۹**
 عاصی « اجتماعی حکایہ » **سکینہ حبیبہ** **۱۳۳۹** جامی **۱۳۳۹**
 عبدالحق حامدک بکک غیر منتشر مکتوبلری ذلیل خالد **۱۳۳۹**
 اوفاق برنظرم « افغانستان » عبدالرشید ابراہیم **۱۳۳۹**
 وضوح سزلق « الہیات فا کولتہ سی مناسبیہ » محمد علی عینی **۱۳۳۹**
 اورتا آسیادہ تورکمن « تورکمنلرک دینی » علمی ضیا **۱۳۳۹**
 شیخ سہروردی حیاتنک صوکلرندہ یوسف ضیا **۱۳۳۹**
 حی بن یقظان « ابن طفیلک فلسفی رومان » رشید **۱۳۳۹**

سرآب : قدریہ حسین — شرق : ملیحہ نوری — غزل : روحی — غزل : جمیل رافت —
 یگی نشریات ، قرآن ترجمہ لری ، آنادولی مجموعہ سی : شرف کاظم . **۱۳۳۹**

شہزادہ ہاشمی : اوقاف مطبعہ سی

۱۳۴۰ — ۱۹۲۴

اسلام [۱۱]

۳

أوليا و طریقته

مسلمان اور تودوقسلانی تشکلی وانکشاف ائسانده منبعی اولان قرآن کریمدن خارجه چیقدیغی نسبتده وایدکلریله اشتہارایدن ذاتلره توجه ایتمکه باشلانلیدی. بونلره قارشی کوستریلن حرمت و اطاعت چوق کچمه دن برر طریقت، برر مذهب حالته تردی ایتدی. بوجریانک منبع وسیلری پک متنوعدر. بوبابده الک عمومی سبب اسلامیتک مغلوب ایتدیکی عقیده لرك مقاومتیدر. چونکه اسلامیت کی وحدت الوهیتی الک ایلری کوتورمش بر دینده اولیالره پرستش بوندن بلشقه عمومی بر سیبله قابل ایضاح دکلدر. بو طریقته کورولن اولیا پرستک اسلامیتک مغلوب ایتدیکی دینلرک بر وسیله ایله ینه اسلام اداره سی آئنده کی بر پس زند اکنندن عبارتدر. اسلام مملکتلرنده منتشر اولان طریقته لره اسلامدن اولکی سامی، هندی، یونان-روما مشرککلریله یهودی وخرستیان دینلرینی فوق العاده صریح بر صورتده کورمک ممکندر. مثلاً شیعه افسانه سنده حضرت علی کوکلرده ساکن اولوب کوك کورولتیلریله شمشکلره ریاست ایتکده در. «آله رعد» هم سامی اسطوره لرده، هم ده یونان-روما مشرککلکنده موجوددی.

اشبو طریقت منتسبلرینک ملاحظه سینه کوره بویوک و ذی قدرت اولان الله فقیر قوللرندن چوق یوکسکده واوزاقده در. اوندن استعانه واستمداد ایتک قوللرک وظیفه سیدره بونک ایچونده آلهک اصلاً ردا یمیه جکی اولیالرک یاردیمه، توسطنه مراجعت ایتک کرکدر. طریقته میدان ویرن خصوصی سیبلرده پک متنوعدر. بونلردن باشلیجه سی خلقک زاهدک حیاتی یاشایانلره قارشی کوستردیکی توجهدر. خلق، بو حالی کورونجه صاحبنه

[۱] بوندن اولکی مقاله لر یدنجی و سکزنجی صاییده در.

در حال و لیلک پایه سی ویرمکده در . اصل بویوک اولیالق طریقت ، زاویه ، مؤسسه خیریه و الخ .. تأسیسه موفق اولانلره بخش اولونوردی .

فرانسزلرک (اعزه) دیدکلرینه عربلر « ولی » هندیلر « پیر » شمالی آفریقایلر « مرابط » [که غیرت دینه صاحبی دیمکدر] فاسیلر « سیدی » ویا « مولائی » دیرلر . اولیا ، انسان ایله الله آراسنده بر متوسطدر . مسلمان اولیالری آراسنده سلسله مراتب یوقدر ؛ یالکیز ساحه نفوذ و انتشارلری متنوع اولیالر واردر . « عبدالقادر کیلانی » [۱۱۶۶] کی آفریقا و آسیاده شهرتشار و جهانشمول اولانلری یاننده یالکیز محللارنده معروف اولانلری واردر .

اسلامده اولیالنی توجیه و تشریع ایده جک بر قانون و مرجعده یوقدر . اولیالر مقاملرینی یالکیز شخصی شهرت و موفقیتلریله تأمین ایده رلر . مسلمان اولیالرینک کرامتلرینه عائد مناقب و افسانهلر قاتولیکلرک « مذهب افسانه » کلیاتندن چوق دها زنکین ، ظریف و حیرتبخشدر .

اسلام اولیالغنده ولینک مریه لرینه برکت افاضه سی یعنی تقدیس توکور و کله در . تنه کیم مرابطلر کندی طریقتلرینه انتساب ایدنلرک اولا آغیزلرینه توکور و رلر و بوتوکور و کده قطعی بر تأثیر اعتقاد اولنور .

*

ولیلره اعتقادک دینی طریقتلرک وجود بولماسیله بک صبقی بر ارتباطی واردر . اسلامیتده دینی طریقتلرک ظهوری بک اسکیدر . بونلرک تأسیسلرینک اصل سبی « تصوف » ی دوغوران سبک عیندر . معلومدر که تصوفی دوغوران سبب ذهنیه مسلکینک و تعلیمات قرآنیه نک قورولنی اولمشدر . بوقورولغه قارشی « سربلک » احتیاجی ، یعنی الوهیتله دوغورون دوغرویه برلشمک ، اللهم روحده بولمق ، واونکله یاشامق آرزوسی دوغدی . طریقتلرک اک مبذول اولدینی اسلام دیاری شمالی آفریقا و بالخاصه « فاس » در .

طریقت منتسبلری اساساً مسلم اولوب اورتودوقس اسلاملردن فرقلری تماشانی ، رحیم ، پروغانداچی و سیاسی اولمالریدر . هپسینک مشترک وصفی « سربلک » ده طویلانیلر . اشیاده وجود حقیقی بی انکارایله یالکیز بر شکل خارجی بولوندیغنی ادعا ایدن ، فلسفی تعبیریه فورمالیزمی قبول ایدن اسلام اورتودوقوسلغنه مخالفت ایدن میستیسزمک یعنی « سربلک » ک یودینی طریقتلرده مطلق بر فورمالیزمی بالذات دوغورمه سی ایلک نظرده بادی حیرت

اولاجق بر شیدر. مثلاً بو طریقت متسببلی صنعی بر صورتده و تجده واصل اولمق احتیاجیه ذکر، ورد کی بر طاقم میخانیکی ادمانلری ایجاد ایتدیلر و بو حرکتلرک غیرمعین تکرارلریله بشری شخصیتی رفع وتلقین بذاته ایلهده تدریجاً شخصیت الهیهده فنا بولمق ایسته دیلر.

اسلام عالمده طریقتلرک اکثریتله اجتماعی و سیاسی مهم تأثیرلری اولمشدر. تشکیلاتلری پک بسیطدر. بر طریقته منسوب اخوانلرک مطلق بر ولایتی حائز بر شیخلری و شیخکده «خليفة» و یا «نائب» دنیلن بر وکیلی واردرکه بو، شیخک ولایتی اوزاق مملکتلرده تمثیل ایدر. خلیفه لرک آشاعیسنده طریقت انقسام ایتدیکی زمرة لرک باشلری اولان «مقدم» لر واردر. بونلرک مادوننده «درویش» لر کثیر.

طریقته ایلك کیره جکلر «مقدم» لر واسطه سیله و شیخک بونلر ویردیکی اجازتله واقع اولور. شیخه تسلیمیت «غسالک الاری آراسنده کی موتاکی» اولاجقدر.

دارالفنون روحیات مدرسی

— بیتمه دی — مصطفیٰ ملکب

اسکی بر دفترک یاراقلمنده

عاصی

عاصی

فیرطنه لی بر کیجه نک ایرته سی ایصلاق بر صوک مهار صباحی ایدی. سینه دولو کورک یوزینک آجیق کولرنکی، کیرلی چهره سی اوزرنده قوپوسنجابی یولو طلر اوزون اتکلریله داملره سورونه رک بر ماتم آلائی کیی غربه دوغر و قوشیورلردی. ساحلک قایالقلرن دیپار چالانان آوغین دالغه لرک دریندن کلن اوغولتیلری، فیرطنه نک آغاچلردن، اولرک صا چاقلرندن چیقاردینی ایصلیقلر بر برینه قاریشیوردی، آرتق فیرطنه نک قوتی کسيلمش، درمانسز صوک حمله لرینی یاپور، دالارک اوزرنده بونی بو کولش تک توك صاللانان صوک یاراقلری قوپارییور، اوچورییور، داملرک کنارنده متردد صاللانان دامله لرله قاریشیق صاورویوردی. طبیعتک کلینک سوسلری سوقاغک چامورلری ایچنده، آیاغک آلتنده ازبلیور، قسوتلی چیتردیلرله ایکیلیورلردی. یارقک آغاچلری چیسپلاق قوللرینی کوکلره دوغر و شکایتله اوزاغمشلردی. اوبونلری کوردمیور، بوتون کیجه بی باشنده اویقوسز کچیردیکی بوش یاتاقدن بر گون